

Kuzé k-é piskiza sosial y konportamental?

Piskiza sosial y konportamental ta studa modi y pamodi ki algen ta konporta modi kes ta konporta na alguns situasons y modi k-é ta afeta saúdi ser umanu. Piskizadoris ta djobi individus ô un grupu grandi, sima familias, kumunidadis, y sosiedadis pa atxa forma di rizolvi problemas sosial y midjora saúdi.

Piskizadoris podi djobi rispostas pa purguntas sima:

- Pamodi ki alguns algen ka ta toma ramedí ki ses dotor ta pasa
- Modi ki kumunidadis ta riaji a violensia di grupus di dilinkuentis
- Kuzé ki ta djuda kriansas disidi pa un tipo di kumida saudável
- Pamodi ki alguns jovens ta involvi na konportamentus di risku
- Kuzé ki ta djuda bedjus a vivi di manera independent
- Pamodi ki algen ta vivi mas txeu tenpu na alguns paízis di ki otus

Kenha ki ta participa na piskiza sosial y konportamental?

- Adultus y kriansas
- Familias
- Kumunidadis
- Grupú rijional, relijiozu, kultural, ô sosial
- Algen ku un duensa ô un kondison ki sa ta ser studadu

Purguntas pa fazi:

1. Kal k-é mutivu des piskiza?
2. Kuzé ki ta kontisi sin participa?
3. Ki tipus di purgunta kin ta ba fazedu?
4. Kantu tenpu ki es piskiza li ta dura?
5. Ki riskus ki-m ta kori?
6. Si N participa na es piskiza, N ten algun binifísiu?
7. N ta ben ten algun gastu?
8. Kuzé ki bu ta bai fazi ku kes informason di nha piskiza?
9. Modi kin ha privasidadi ta ser prutejidu?
10. Kuzé ki ta kontisi si-m disidi abandona piskiza antis di tenpu?



THE HARVARD CLINICAL
AND TRANSLATIONAL
SCIENCE CENTER



Tufts

CTSI

Tufts Clinical and
Translational
Science Institute

Es disdobrael li teni informason jeral pa finalidadi idukasional y el é ka fetu pa da konsedju médiku. Ter di bu médiku ô ikipa di piskiza pa konsedju spisifiku pa bu situason, antis di bu aji ku basi na kualker informason ki sta li.

Pa mas purgunta?

Txoma:

version # (v1.0)



Piskiza Sosial

y Konportamental



**Partisipa na piskiza é bu iskolha.
Sta informadu. Fazi purgunta. Resébi rispósta.**

Kuzé ki ta signifika partisipa na un piskiza sosial y konportamental?

Partisipa na un piskiza sosial y konportamental ta signifika, kuasi senpri, rispondi purguntas na un inkéritu ki bu ta prienxi (kistionariu) ô ma piskizador podi purgunta-bu pa tilifoni. Na alguns piskizas piskizadoris ta kre intrivista-bu y faze-bu purguntas pa bu podi fla piskizador modi ki bu ta xinti sobri un asuntu en partikular. Na otus piskizas, piskizadoris podi obiserva-bu enkuantu bu ta fazi algun atividade. Alguns piskizas podi involvi análizi di bus rigistus médiku.

Alguns piskizas podi ka binifisia-bu individualmenti, mas oras ki bu partisipa bu podi djuda otus na futuru. Piskizadoris podi midjora saúdi di un kumunidadi ô djuda un grupu ku un duensa ô kondison partikular.

Antis di bu disidi partisipa na un piskiza, bu debi intendi kal k-é objetivu di piskiza. Bu debi sabi kuzé ki bu ten ki fazi pa piskiza y kantu tenpu k-é ta leba, y si bu ta pagadu pa partisipa.

Partisipa na piskiza é un iskolha

Ten pruteson pa djuda garanti siguransa di voluntárius di piskiza (tanbé txomadu di “sujetus di piskiza”) y garanti ki voluntárius ser tratadu ku ruspetu. Ikupa di piskiza ta splika-bu un Fixa di Konsentimentu Informadu. Es ta bai splika objetivus di studu y pusível riskus

y binifisius. Pidi apoiu si bu ka sa ta intendi algun kuza. Bu ka debi nunka xinti apresadu ô prisionadu. Fazi parti di un piskiza é un kuza kompletamenti voluntáriu – é bu iskolha.

Ki riskus ki ten na un piskiza sosial y konportamental?

Un risku kumun ki ten na un piskiza sosial y konportamental é ki kes informason privadu ki bu partilha ku piskizadoris podi ser asidentalmenti partilhadu ku otus algen. Piskizadoris ta splika modi kes ta pruteji kontra kela. Kuasi senpri, mesmu ki piskizadoris skrebi un artigu sobri un piskiza, bu nomi ka ta parsi.

Bu podi tanbé xinti diskonfortavel oras ki bu ta rispondi alguns purguntas ki piskizadoris ta faze-bu. Bu podi disidi pa ka rispondi kualker purgunta ki ta dexa-bu diskonfurfavel y bu podi pára intrivista kualker mumentu..

Riskus spisífiku ta ser splikadu ku ditalhi na Fixa di Konsentimentu Informadu. Sertifika ma bu ta intendi kes riskus antis di bu konkorda ku partisipa na piskiza.

